



Broj: JN-OP-753-12/2024

Datum: 23-10-2024

**PREDMET:** Pojašnjenje tenderske dokumentacije

U sjedištu Ugovornog organa dana 17.10.2024. godine, pod brojem protokola: JN-OP-753-11/2024, zaprimljen je Zahtjev za pojašnjenje tenderske dokumentacije, broj: JN-OP-753-6/2024 u postupku javne nabavke – Nabavka rekonstrukcije DV 110 kV Bugojno - Donji Vakuf, dostavljen od strane privrednog subjekta Energoinvest d.d. Sarajevo, u kome se traže sljedeća pojašnjenja:

**Pitanje br. 1.**

U Tenderskoj dokumentaciji Prilog 8 u Tački 1.4 stoji "...kompletnu zamjenu postojećih vodiča novim..." dok u projektnom zadatku Tačka 1.3 stoji da izrada projekta rekonstrukcije predviđa zamjenu ovjesne i spojne opreme na dionicama na kojim je ugrađen provodnik Al/Fe 240/40 mm<sup>2</sup>. Molimo za pojašnjenje da li je potrebno predvidjeti zamjenu provodnika na kompletnoj trasi dalekovoda.

**Pitanje br. 2.**

Da li je potrebno predvidjeti kompletну zamjenu izolatora, ovjesne i spojne opreme na svim stubovima s obzirom na to da u projektnom zadatku Tačka 2.19 stoji: "Na novim stubovima predvidjeti ugradnju kompletnog izolatorskog lanca sa polimernim izolatorima, dok na postojećim stubovima koji se zadržavaju predvidjeti zamjenu staklenih izolatora sa polimernim"?

**Pitanje br. 3.**

U Tenderskoj dokumentaciji Prilog 8 u Tački 1.3 stoji da je idejni projekat nakon interne revizije Naručioaca potrebno revidovati od strane ovlaštene pravne osobe. Molimo potvrdu/pojašnjenje ovog zahtjeva s obzirom na to da ne postoje zahtjevi nadležnih institucija za reviziju idejnog projekta od strane trećih lica.

**Pitanje br. 4.**

U Tenderskoj dokumentaciji Prilog 8 Tačka 1.3 stoji da Elaborat eksproprijacije podliježe reviziji od strane ovlaštenog lica. Molimo potvrdu/pojašnjenje da li se radi o reviziji od strane ovlaštenog lica koje je izradilo Elaborat.

**Pitanje br. 5**

U projektnom zadatku pod Tačkom 3.2 Situacija trase, stoji da se situacija trase obradi u mjerilu 1:2500. Pod Tačkom 2. Opšte odredbe tehničkih specifikacija navedeno je da se situacija trase radi u mjerilu 1:25000, što je inače i pravilo jer su topografske karte koje se koriste kao podloga situacije trase u razmjeri 1: 25000. Molim Vas da se usklade razmjere.

Pitanje br. 6.

Pod Tačkom 1.3 Obim usluga na pripremi investiciono-tehničke dokumentacije, navedeni su i Elaborat eksproprijacije i Elaborat katastarske obrade trase, kao odvojene knjige. Pod Tačkom 2. Opšte odredbe tehničkih specifikacija -Elaborati, navedeno je da se uz Glavni projekat priloži katastarski elaborati ili elaborat eksproprijacije (zavisno od toga kako je definisano projektnim zadatkom), a projektnim zadatkom pod Tačkom 3.10 definisana izrada samo katastarskog elaborata. Molim pojašnjenje koji od ova dva elaborata treba priložiti uz Glavni projekat.

Pitanje br. 7.

U projektnom zadatku pod Tačkom 3.10 Elaborat katastarske obrade trase, navedeno je da se pribave posjedovni listovi i z.k. izvaci. Da li trebaju posjedovni listovi i izvodi iz z.k. uložaka za sve parcele duž trase dalekovoda ili samo za parcele na koje padaju stubna mjesta? Sva stubna mjesta bi bila nanesena na katastarske planove.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Pojašnjenje br.1.

U projektnom zadatku pod tačkom 1.3. Obim projektovanja navedeno je: „Izrada projekta rekonstrukcije obuhvata: tehnički opis, nacrti i detalji potrebni za zamjenu dotrajalih faznih provodnika sa novim Al/Fe 240/40 mm<sup>2</sup>, ovjesnom i spojnom opremom i izolatorima na kompletnom dalekovodu, ugradnjom OPGW kabla, uz izradu novih tablica provjesa“. Shodno navedenom i u skladu sa tačkama 1.4 i 2.12. Priloga 8. Tehnički zahtjevi i specifikacije iz tenderske dokumentacije predviđena je zamjena provodnika na kompletnoj trasi dalekovoda.

Pojašnjenje br. 2.

Tačkom 1.3 projektnog zadatka i tačkama 1.4 i 2.12. Priloga 8. Tehnički zahtjevi i specifikacije iz tenderske dokumentacije predviđena je zamjena izolatora, ovjesne i spojne opreme na kompletnoj trasi dalekovoda.

Pojašnjenje br. 3.

Ukoliko organ uprave u okviru postupka pribavljanja urbanističke saglasnosti ne zahtijeva potrebu za eksternom revizijom Idejnog projekta nije neophodna eksterna revizija Idejnog projekta.

Pojašnjenje br. 4.

U Tenderskoj dokumentaciji Prilog 8 Tačka 1.3 stoji da Elaborat eksproprijacije podliježe reviziji od strane ovlaštenog lica s ciljem da se obezbijedi korektan i tehnički ispravan elaborat, te potvrdi njegova formalno pravna tačnost kako bi se u što kraćem roku bez smetnji (osporavanja, tužbi i sl.) riješili imovinsko pravni odnosi. Shodno navedenom ne radi se o reviziji od strane ovlaštenog lica koje je izradilo Elaborat.

Pojašnjenje br. 5.

U skladu sa poglavljem Opšte odredbe tehničkih specifikacija, tačka 2.6.2 Priloga 8. Tehnički zahtjevi i specifikacije iz tenderske dokumentacije situaciju trase potrebno je uraditi u razmjeri 1:25000.

Pojašnjenje br. 6.

U prilogu 3. Obrazac za cijenu ponude i u Prilogu 8. Tehnički zahtjevi i specifikacije, tačka 1.3. Obim usluga na pripremi investiciono tehničke dokumentacije jasno je definisano da su Glavni i Izvedbni projekat, Elaborat katastarske obrade za kompletnu trasu dalekovoda i Elaborat eksproprijacije za kompletnu trasu dalekovoda tri odvojene knjige i čine sastavni dio investiciono-tehničke dokumentacije.

Pojašnjenje br. 7.

U skladu sa prilogom 3. Obrazac za cijenu ponude i tačkom 1.3 Obim usluga na pripremi investiciono tehničke dokumentacije iz priloga 8. Tehnički zahtjevi i specifikacije, katastarsku obradu trase uraditi za kompletnu trasu dalekovoda. Navedeno podrazumijeva da je potrebno pribaviti posjedovne listove i z.k. izvatke za sve parcele duž trase dalekovoda.

S poštovanjem,

Predsjednik komisije za javnu  
nabavku JN-OP-753/2024



---

Benjamin Mehić, dipl.ing.el